



Na osnovu člana 64. stav (1) tačka b), člana 70. Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 8. Poslovnika Centralne izborne komisije Bosne i Hercegovine („Službeni glasnik BiH“, broj 32/23, Prečišćen tekst) na preporuku Komisije za javnu nabavku od 06.06.2024. godine, Centralna izborna komisija Bosne i Hercegovine je na 33. sjednici održanoj 18.06.2024. godine, donijela

ODLUKU **o izboru najpovoljnijeg ponuđača**

(1) **Okvirni sporazum** o nabavci usluga – lektorisanja teksta na tri jezika u službenoj upotrebi u Bosni i Hercegovini za potrebe Centralne izborne komisije Bosne i Hercegovine - lektorisanje dokumenata na bosanskom, srpskom i hrvatskom jeziku dodjeljuje se ponuđaču „**Koleks**“ d.o.o. **PJ Oxford Edukativni centar Banja Luka** koji je ponudio najnižu cijenu usluge u iznosu **od 21,00 KM bez PDV, odnosno 24,57 KM sa PDV po jednoj stranici formata A4 kompjuterskog ispisa 1.800 karaktera bez proreda za svaki od tri jezika.**

(2) Ponuda ponuđača iz stava 1. ove odluke zadovoljava uslove utvrđene u predmetnoj tenderskoj dokumentaciji i ocijenjena je kao najpovoljnija, u skladu sa kriterijom za dodjelu ugovora utvrđenim u tenderskoj dokumentaciji, jer je ponuđena najniža cijena usluge.

(3) Ponuđaču iz stava (1) ove odluke će biti dodijeljen **okvirni sporazum na ukupnu okvirnu vrijednost u iznosu od 15.300,00 KM bez PDV, odnosno 18.000,00 KM sa PDV na period do 1 godine** u skladu s elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-2-112-3-13/24 od 21.05.2024. godine. Do krajnjeg roka za dostavu ponuda primljene su dvije ponude sljedećih ponuđača: Libar agencija za poduke i prevodilaštvo, IV brigade HVO Stjepana Radića 120, 88320 Ljubuški i „Koleks“ d.o.o. PJ Oxford Edukativni centar Banja Luka.

Komisija za javnu nabavku imenovana Rješenjem broj: 07-2-16-3-628-2/24 od 09.05.2024. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-628-8/24 od 04.06.2024. godine je u prilogu ove odluke) u postupku nabavke usluga – lektorisanja teksta na tri jezika u službenoj upotrebi u Bosni i Hercegovini i uputila preporuku Centralnoj izbornoj komisiji BiH za izbor i dodjelu okvirnog sporazuma na period do 1 godine ponuđaču „**Koleks**“ d.o.o. **PJ Oxford Edukativni centar Banja Luka** koji je ponudio najnižu cijenu za predmetne usluge u iznosu **od 21,00 KM bez PDV, odnosno 24,57 KM sa PDV po jednoj stranici formata A4 kompjuterskog ispisa 1.800 karaktera bez proreda za svaki od tri jezika.** U predmetnom postupku nabavke provedena je e-akcije kvalifikovanih ponuda, nakon koje nije bilo snižavanja cijena u odnosu na ponuđene početne cijene.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet dana od dana prijema ove odluke.

Broj: 07-2-16-3-628-10/24
Sarajevo, 18.06.2024. godine

Dostavljeno:

1. Ponuđačima 2x
2. Odsjeku za materijalno- finansijske poslove 3) Internet stranica CIK BiH i a/a

